

臨川集

一之六

古詩

| 漢書門 | | | | |
|-----|-----|---|---|---|
| 類 | 號 | 函 | 架 | 冊 |
| 類 | 一七三 | 一 | 一 | 二 |
| 號 | 一 | 一 | 一 | 一 |

| 內閣文庫 | | | |
|------|-----|---|---|
| 漢 | 書 | 號 | 冊 |
| 漢 | 一七三 | 一 | 三 |
| 書 | 一 | 一 | 二 |
| 號 | 一 | 一 | 六 |
| 冊 | | | |

別集

| 內閣文庫 | | |
|------|---|--------|
| 番號 | 漢 | 11731 |
| 冊數 | | 12 (1) |
| 函號 | | 315 77 |

315-77

71-6





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





淺草文庫



臨川王文公集序



唐之文能變八代之弊追先漢之
蹤者昌黎韓氏而已河東柳氏亞
之宋文人視唐為盛唯廬陵歐陽
氏眉山二蘇氏南澣呂曾氏臨川王
氏五家與唐二子相伯仲矣自漢

東都以逮于今發發八百餘年而
合唐宋之文可稱者僅七人焉則
文之一事誠難矣哉荆國文公才
優學博而識高其為文也度越
輩流其行卓其志堅超超富貴
之外無一毫私欲之汨少壯至老

死如一其為人如此其文之不易
及也固宜宋政和間官局編書法
臣之文獨臨川集得預其列請康
之禱官書散矣私集竟無完者
之本弗如歐集曾集老蘇大蘇集
之盛行於時也公絕類之英間氣

所生同時文人雖或意見素異尚
且推尊公文口許心服每極其至
而後來卑陋之士不滿其相崇因
并廢其文此公生平所謂流俗胡
乃於公之死後而猶然也金谿危
素好古文擬公集之零落搜索

諸本增補校訂總之凡著平卷比
臨川金陵麻沙浙西數度舊本頗
為備悉請予序其成噫公之文如
天之日星地之海嶽奚資於序而
公相崇所或不滿者亦鮮究其底
裏何也公負蓋世之名遇命世之

主君臣密其始若管葛主以至公
至正之心歆堯舜其民臣以至公至
正之心歆堯舜其君然而公之學能
博所來明者孔孟之學也公之才
雖優所來能者伊周之才也不以其
未明未能自少徒以其已明已能自

多毅然自任而不回此其蔽也一時
之議公者非偏則私不惟無以用
其蔽而亦何能者以愜公論哉編之
平而當足以定于我孰是非之真者
其唯二程朱陸四子之公乎吳澄
幼清序

臨川王荆公文集序畢

新刊王臨川集序

嘉靖丙午秋八月臨川邑侯象川應君刻荆國王文
公集成謂袁邑人也宜有以序其事昔我象山陸文
安公序公祠堂於宋草廬吳文正公序公文集於元
二公皆命世大儒其事核而精其文直而肆公之純
疵得失猶方員之囿於規矩也予末小子安敢復有
所贅然竊惟公之相業所以未能成先資之信快人
心之公者直以變法之故爾二公之言雖已抉發隱

義提挈宏綱而其端緒曲折尚若有未暇及者故雖
不敏不敢過避焉夫善觀人者必驗乎心跡善爲治
者必核乎名實心跡不明則名實不正名實不正則
爵祿廢置生誅予奪皆失其道而天下之治靡矣若
公與神宗之事豈非千萬世名實不正之最甚者乎
宋之有天下燕雲盡失契丹已強於北元昊繼起兵
力又奪於西不能數戰則其勢不得不出於求和轉
輸金繒每歲不貲卑禮甘言惟恐挑禍漢之文景國

辱而民不困時則有文景之辱而無文景之利此蓋
凜然不可恃以常安之勢也治平熙寧之際上列下
弊網紀法度根本枝葉無不受病譬如中年之人雖
容色言動無異少時然縱恣之餘腹心肝鬲之疾纏
綿膠鋼待時而發此蓋斷然不容怠忽玩愒之時也
神宗深知天下之勢將欲大有所爲而又不御游畋
不治宮室眷求義德與圖治理誠曠世一出人臣所
當效力致死之君也乃公之節行文章旣已大過於

人而道德經濟又獨惓惓以身任之當仁宗在位之日使回一書究極治體直欲化裁三代以趣時變與區區隨世遷就諸人規模夙別繼論時政則語意益切岌然如禍亂之逼乎其後賈太傅之痛哭劉賢良之剴切可謂異世同符矣有臣如此蓋亦曠世一出人君所當虛已委任共享天心者也夫其君臣相遇之盛如此而時勢所值又當否泰安危往來消長之際然則公與神宗所以悉心謀議創制立法而將以

伸其大有爲之志於天下豈但君臣之分義則然固亦天命人心所不容已也今考當時常平倉司馬公所謂三代之良法放青苗錢之害小廢常平倉之害大者也然積滯不散侵移他用平時旣無補於貧民必待年凶物貴然後出糶而所及者又皆城市游手之輩况穀貴則減價而糶惟富民爲能應其糶穀賤則增價而糶惟富民爲能應其糶貧民下戶旣無可糶又不能糶勢不免於借貸蘇穎濱曰天下之人無

田以爲農無財以爲商禁而勿貸不免轉死於溝壑
使富民爲貸則用不仁之法收大半之息不然亦不
免脫衣避屋以爲貧民受其困而上不享其利周官
之法使民之貸者與其有司辨其貴賤而以國服爲
息今可使郡縣盡貸而任之以其土著之民穎濱此
論則公所行青苗錢之法也考之於古景公之於齊
子皮之於鄭司城子罕之於宋旣皆以貸而得民驗
之於今則前此陝西一路已翕然稱便矣然則青苗

錢之放乃所以救常平之失而修耕歛補助之政也
古者民多則國強民少則國弱兵無非民故也宋自
雍熙端拱以來西北多事朝廷爭言募兵旣募征行
之兵又募力役之兵大率非游手之徒則亡命之輩
於是始聚百萬之兵而仰食於縣官非如漢唐之初
有事則擐甲胄以蹈行陳無事則服田積穀以廣軍
儲冗而無制則老弱參半而不堪戰鬪聚而不散則
偃蹇驕惰而易於爲亂而上下以爲得計方且盡用

衰世培刻之術剝吾民以啗之及不可用則又爲之
俛首以事驕虜而使此輩自安於營伍之中况是時
京東京西淮南諸路劇盜如王倫張海輩肆意橫行
建旗鳴鼓官吏逢迎入城與之宴飲雖有番戍之兵
如入無人之境兵制之壞莫甚於此此公保甲之法
所由行也其要在於訓練齊民使皆可戰稍復府兵
之舊以減募兵紓民力當時蘇東坡極言養兵之害
而欲訓練州縣之士兵以省禁兵意亦如此然必畿

甸就緒乃以漸推之於天下始但隸於司農以捕盜
賊相保任繼乃肄習武事定其賞罰而隸於兵部其
政令一聽於樞密蓋公所以計之者審矣民情莫不
欲富亦莫不欲逸也宋至中葉役法大壞產破家亡
視爲常事而衙前州役爲甚韓絳則言民有父自經
死冀免其子逐嫁祖母與母析居以圖避免者司馬
公則言自置鄉戶衙前以來民益困乏不敢營生多
種一桑多置一牛畜二年之糧歲十疋之帛則已目

并公集
卷之五
三
爲富戶抉充衙前吳堯則言鄉役之中衙前爲重至
有家貲已竭而逋負未除子孫旣沒而隣保尤逮田
地不敢多耕骨肉不敢義聚者然則當役之家出錢
以雇役坊郭女戶品官之家歛錢以助役官又爲之
賣坊場給閒田以充雇直固先王致民財以祿庶人
在官之意也况公之爲是法也揭示一月民無異詞
乃著爲令令下之日物情大快於是始行諸天下而
亦各從其便以爲法此則雇役法之大畧也諸路上

供歲有定數年有豐凶故出辦有難易道有遠近故
勞費有多寡典領之官專務取贏內外不相知饒乏
不相補四方有倍蓰之輸中都有半價之鬻徒使富
商大賈乘公私之急以擅輕重歛散之權而農民重
困國用無餘於是均輸之法行焉先王之於商也未
嘗不欲抑之以懲游末亦未嘗不欲厚之以通貨賄
其於民也固嘗補助於耕歛之時又欲周給於祭祀
喪紀困迫之日此周官泉府之法所以爲厚也今雖

萬室之邑然貨之滯而不售民之欲賒且貸者已不
貲矣而況都會之地哉公之所以創為市易之法者
固將抑兼并以厚商賈備經制以利民用而必量取
一分二分之息者亦欲其仁可繼爾諸監既廢賦牧
地以佐芻粟諸兵騎戰仰給市馬而義勇保甲之馬
復從官給番部養馬既不常行各邊市馬又患不足
此戶馬保馬之法所由以行也然戶馬則蠲科賦保
馬則蠲征役而馬又皆從官給也藉使尤或少厲於

民則亦斟酌修改之而已國固可使乏馬馬顧可使
獨在邊番而成用立甸所出之馬豈皆官養之邪若
夫熙河一帶西控吐蕃東蔽涇涼夏人右臂實維茲
地若使彼間而取之則豈惟鄜延一路不解甲哉將
秦隴復受兵矣而西域之不可通無論也此公所以
銳意於王韶之策歟宋之於北虜雖慙於納賂亦怯
於用兵惟怯故彼得肆無厭之求惟慙故此常懷憤
恨之意然既不能攻之以雪其慙則亦驕之以圖其

後未有不能攻之又不能驕之而睚眦以幸目前之
安者此公所以割地畀遼且曰將欲取之必固與之
也他如銷并軍營修復水利罷詩賦頒經義與夫方
田之法之類雖若紛然並出於一時然君以堯舜其
民之心暨主之於上臣以堯舜其君之心力贊之於
下要皆以為天下而非私已也諸臣若能原其心以
議其法因其得以救其失推廣以究未明之義損益
以矯偏勝之情務在協心一德博求賢才以行新法

宋室未必不尚有利也而乃一令方下一謗隨之今
日闕然而攻者安石也明日譁然而議者新法也臺
諫借此以賈敢言之名公卿藉此以徵恤民之譽遠
方下吏隨聲附和以自托於廷臣之黨而政事之堂
幾為交惡之地且當是時下則未有不逞之民指新
法以為倡亂之端遠則未有二虜之使因新法而出
不遜之語而措紳之士先自交橫橫瀆洵如狂人
挾勝心牢不可破祖宗之法槩以為善其果皆善乎

新創之法槩詆為惡其果皆惡乎抑其為議有一人
之口而自相牴牾如蘓頴濱嘗言官自借貸之便而
乃力詆青苗錢之非司馬公在英宗時嘗言農民租
稅之外當無所與衙前當募民為之而乃力詆雇役
之非蘓東坡嘗言不取靈武則無以通西域西域不
通則契丹之強未有艾而乃力詆熙河之役之非又
如已非雇役不可行而他日又力爭雇役不可罷之
類是也有事體相類自來行之則以為是公行之則

以為非如河北弓箭社實與保甲相表裏蘓東坡請
增修社約并加存恤而獨深惡保甲法之類是也青
苗錢之放專為資業貧民不使富民乘急以邀倍稱
之息司馬韓歐諸公既極言此錢不可放則亦未所
以抑兼并而振貧弱可也乃徒訟此之非利而不顧
彼之為害何邪蘓東坡論雇役至謂士夫宣力之餘
亦欲取樂若厨傳蕭然則似危邦之陋風恐非太平
之盛觀似此之類既非真知是非之定論亦非曲盡

利害之訐謨宜公槩謂流俗而主之益堅行之益力也一時議論旣如此矣而左右記注之官異時紀載之筆又皆務爲巧詆至或離析文義單撫數語而張皇之如三不足之說公之所以告君者何嘗如是也然則當時所以攻新法者非實攻新法也惡公而并及其法爾昔者桓公舉夷吾於士師而委之以國夷吾乃爲之作內政興鹽筴委幣以歛州縣之穀守準以御輕重之權舉齊國之政而更張其大半且曰國

之重器莫重於令虧令者死益令者死不行令者死留令者死不從令者死桓公卒賴其計以成九合之功子產之相鄭也使都鄙有章上下有服田有封洫廬井有伍作丘賦制參辟鑄刑書舉鄭國之政而更張其大半雖國人孰殺子產之謠叔向將亡多制之書士文伯火未出而作火以鑄刑器不火何爲又六月火現而鄭果災之先見明驗亦銳然行之而無所疑畏卒之鄭賴以安雖晉楚之強莫能加焉又其下

如衛鞅之於孝公盡取秦法而更爲之盡取秦民而束縛馳驟之雖甘龍辨說之煩秦民言令不便者以千數而鞅終不爲沮卒之國內大治諸侯重足屏息爭西嚮而割地彼數子諸侯之貴臣尔然皆以其計數之審果敢堅忍大得逞於其國而公以世不常有之材當四海爲家之日君臣相契有如魚水乃顧落落如彼者時勢異而媚忌衆故也夫國內多故四竟多敵譬彼舟流不知所屆惟才與智衆必歸之此管

仲諸人所以得志也宋之治體本涉優柔具仁而降此風浸盛士大夫競以含糊爲寬厚因循爲老成又或高談雅望不肯破觚解斲以就功名而其小人晏然如終歲在閑之馬雖或剪豆不足一旦圍人剪拂而燒剔之必將趨然蹄而斷然齧當此時而欲頓改前轍以行新法無惑乎其駭且謫矣公之所以不俚於口者此也賈誼年少美才疏遠之臣慨然欲爲國家改制立法當時絳灌之徒雖甚害之而未至若是

之甚者以誼未嘗得政而文帝直以衆人待之也公
令問唐魯頌一世既已爲人所忌加以南人驟貴父
子兄弟蟬聯禁近神宗又動以聖人目之而寄以心
膂及橫議蠶起公又悍然以身任天下之怨力與之
抗而不顧公之所以不俚於口者此也古人自修身
正家以至治國平天下莫不有法而懿德善道實行
於其間未有捨法度而可以爲仁義者也或乃謂公
不務其本而專事法度然則孟子不以仁政不能平

治天下之說非邪古者水土初平即底慎則壞以制
國用周官一書理財家備而大易明著理財正辭禁
民爲非之訓蓋古之人未嘗諱理財也後儒始忌諱
爾帝或病公專言理財然則國非其國可耶宋之儒
者大率據經泥古尊三代而羞漢唐至有欲復井田
封建之法者然亦幸其未試尔如其試焉能不如公
之叢謗乎當時一伊川在朝其事權視公不啻十分
之一而已不勝其醜詆之多則於公又何言哉元豐

之末公既罷相神宗相繼但落羣議既息事體亦安
元祐若能守而不變循習日久膏澤自潤孰謂非繼
述之善也乃毅然追懟必欲盡罷熙豐之法公以瞋
眩之藥攻治之於先司馬公又以瞋眩之藥潰亂之
於後遂使國論屢搖民心再擾夷想當時言新法可
不罷者當不止於范純仁李清臣數子特史氏排公
不已不欲備存其說尔不然哲宗非漢獻晉惠比也
何揚畏一言而章惇即相章惇一來而黨人盡逐新

法復行哉悲夫始也羣臣共為一黨以抗君終也君
子小人各自為黨以求勝糾紛决裂費時失事至於
易世而尤不知止從古以來如是而不禍且敗者有
是理哉公昔言於仁宗謂晉武帝因循苟且不為子
孫長遠之謀當時在位亦皆偷合苟容弃禮義捐法
制後果海內大擾中國淪於夷狄者二百餘年又謂
可以有為之時莫急於今日過今日則恐有無及之
悔由此觀之靖康之禍公已逆知其然所以苦心戮

力不畏艱難不避謗議而每事必爲者固公曰天未
陰雨綢繆牖戶之心也况熙豐之用章惇公爲之也
元祐之用章惇亦公爲之乎而古今議者乃以靖康
之禍之獄獨歸於公無亦秦人梟輶參夷之習未忘
乎名實者政事之本治亂之原也春秋二百四十二
年之間諸侯卿大夫之心跡莫不詳其本末權其輕
重而折諸天以正名議辟美惡功罪不相掩也夫是
以天理明而王法著禮樂刑政可得而措焉由公而

前若唐晉兩漢之世由公而後若崇觀宣靖紹興開
禧之間大臣之賢不肖可知也然或幸而得免於司
寇之議或雖議而未盡其罪或適得本罪而未誅其
意乃公獨以體國之忠救時之志而蒙衆惡皆歸之
謗使後世幹蠱興事之臣戒於覆轍而妬賢嫉能之
輩引以藉口此吾所以痛悼於千萬世名實之不正
也雖然公亦不得無罪焉夫天地之道浸言以漸也
况於人事哉而公乃謂論善俗之方始欲徐徐而變

革思愛日之義又將汲汲於施爲坐此蔽而欲速之
弊不免矣古者謀及乃心謀及卿士謀及庶人謀及
卜筮聖人於革之時必以已日乃乎革言三就爲訓
而公乃謂以物役已則神志有交戰之勞以道徇衆
則事功無必成之望坐此蔽而自用之弊不免矣當
世之患上之人畏下太甚而不能果斷下之人持上
太急而動生謗議公之意見偶蔽於此故於異議之
人槩以讒說罷之然禹皋吁咈反以相和周召異同

不妨共政公不以此自勉而欲以誅罰勝之豈子產
安定國家必大焉先之道邪公嘗謂洪水之患不可
留而俟人而諸臣之才惟繇優於治水故雖妨命圮
族而不能捨繇其平昔議論如此所以不恤衆論而
用章言者亦曰姑取其才以濟吾事尔然豈有欲求
善治而用小人旣用小人而無後悔者邪數者公之
罪也雖不無不幸於其間然律以皇極無有偏黨好
惡之義誰能爲公諱也公之文集凡百卷邑以公重

故集以地名自宋以來文章名家累數十往往退讓
下風而莫敢爭列草廬自星海嶽之喻蓋定論也夫
以公所立之高所任之大既如彼其文之不易及又
如此徒以大中未協偏蔽尤存不能不競不絀不剛
不柔以通天下之志渙天下之羣故雖遭逢誼辟而
沮撓牽奪之餘非惟不足以酬其堯舜君民之志反
以增重異議者之勢使之勇於附和以抑蔽其君臣
相與之至情正義於天下後世然則後之儒者其毋

以影響臬試之學而自許太過也夫其尚克偏去蔽
以爲王治之本而毋以議論勝事實也夫或曰使神
宗享國比於殷武而公之行政得如管仲將羣疑終
不亡而事功終無成乎予曰嘻此予所以重爲公慨
也此予所以知天之無意於宋也不然以彼之君臣
乘崇高富貴之勢而又於其道乃顧出齊相管仲諸
人之下耶是爲序

嘉靖丙午秋八月望日邑後學章袞汝明謹書

同王濬賢長賦頌

示元度山居半

仲明父至宿明日遂行

杏花

奉酬約之見招

寄吳氏女子

贈約之

寄揚德逢

再次前韻念揚德逢

仲明父不至

與呂均美之上東嶺

與均美之至八功德水

要均美之過我廬

聞均美之解舟

法雲

巒碕

月夜二首

兩山間

元豐行示德逢

四山脩上映赤日田背坼如龜兆出湖陰先生坐草室看
踏溝車望秋實雷蟠電掣雲滔上夜半載兩輪亭筆旱禾
秀發埋牛尻豆死更蘇肥莢毛倒持龍骨挂屋教買酒澆
客追前勞二年五穀賤如水今見西成復如此元豐聖人與
天通千秋萬歲與此同先生在野故不窮擊壤至老歌元豐

後元豐行

歌元豐十日五日一雨風變行千里不見土連山沒雲皆
種黍水秧綿上復多稔龍骨長乾挂梁稻鱖魚出網蔽洲
渚荻苟肥甘勝牛乳百錢可得酒十許雖非社日長聞鼓
吳兒蹋歌女起舞但道快樂無所苦老翁整水西南流揚
柳中間杙小舟乘只歌眠過白下逢人歡笑得無愁

夜夢與和甫別如赴北京時和甫作詩覓而有作
因寄純甫

水菽中歲樂豈因暮年悲同胞苦零落會合尚懷其况乃
夢華闊傷懷而賦詩上言道路寒乃似北征時故兮今安
否季也來何遲中夜遂不眠輾轉涕流離老我孤主恩

結草以為期冀收善事國有知無不為千里永相望味上
我思之幸唯季優游歲晚相攜持於焉可晤語水木有茅
茨上蘭竹歸憇遠屋正華滋

純甫出釋惠崇畫要予作詩

畫史紛上何足數惠崇晚出吾最許旱雲六月漲林莽移
我脩然墮洲渚黃蘆低摧雪翳土鳧鴈靜立將俦侶往時
所歷今在眼沙平水澹西江浦暮氣沈舟暗魚罟歌眠嘔
軋如聞擗頗疑道人三昧力異域山川能斷取方諸永水
調幻藥灑落生綃變寒暑金坡巨然山數堵粉墨空多真
漫與大梁崔白亦善畫曾見桃花淨初吐酒酣弄筆起春
風便恐漂零作紅雨鷺流探枝婉欲語蜜蜂撥葉隨翅股

一詩二子皆絕藝裘馬穿羸久羈旅華堂且憤萬黃金若
道今人不如古

徐熙花

徐熙丹青蓋江左杏枝偃蹇花婀娜一見真謂值芳時安
知有人槃礴羸同朝衆吏共排娟亦欲學之無自可錦囊
深貯幾春風借問此木何時果

燕侍郎山水

往時濯足瀟湘浦獨上九疑尋二女蒼梧之野煙漠漠斷
壠連岡散平楚暮年傷心波浪阻不意書中能更覩燕公
侍書燕王府王求一筆終不與奏論讞死謚當赦全活至
今何可數仁人義士埋黃土抵有粉墨歸囊褚

陶鎮萊

江南種菜漫阡陌紫芥綠菘何所直陶生畫此共言好一幅往
往黃金看北山老圃不外慕但平荒畦斷荆棘陶生養目渠養
腹各以所能爲物役

已未秋天隱著作自烏江來予逆沈氏妹于白鷺洲
遇雪作此詩寄天隱辛酉冬天隱復來誦之遂書于壁請
天隱書所題于石

朔風積夜雪明發洲渚淨開門望鍾山松石皓相映故人過我
宿未盡躋攀興而我方渺然長波一歸艇款段庶可策柴荆當
未暝與子出東岡墻西掃新徑

招約之職方并示正甫書記

往時江總宅近在青溪曲井滅非故桐臺傾尚餘竹池塘三四

月菱蔓芙蓉馥蒲柳亦競時冥上一川綠方坻最所愛意謂可
穿築欲往無舟梁長年寄心目故人晚得此心事付草木消搖
欄宇新攬結蹊隧熟更能適我願中水開菊屋鬼營誅荒梗人
境掃喧豔濠魚淨留連海鳥暖追逐豈無方外客於此停高躅憶
初桑落時要我豈非夙驚眠忽欲老一个未言速當綠東門水
尚阻南浦舳吾廬雖隱翳賞眺還自足橫陂受後澗直斬輸前
瀆跳鱗出重錦舞羽墮輦玉碧簫逸舒卷紫角聯出縮千枝孫
嶧陽萬本毋淇澳蒲門陶令株彌岸韓侯藪尚復有野物與公
新聽矚金鈿擁蕪菁翠被敷首宿蝦蟆能作技科斗似可讀樞
軒俯北渚花氣時度谷耘耨聊效顰締措行可續荒兼儻不倦
一畫敢辭卜雖無北海酒乃有平津肉脩、仙李枝城市久煩
促奇聲與似來落我臺上敬

同王濟賢良賦龜得升字

世傳一尾龜百齡此龜逮見隋唐具雖然天幸免焦灼想
屢縮頸愁巖疑前年赴海不量力欲替鰲負三峻嶒番禺
使君邂逅見知困簞湯因嗟矜疾呼余且設網取以組系
首繩穿繩北歸與俱度大庾兩夫鼎上苦不勝艤舩秦淮
擔送我云此一可當十朋昔人寶龜謂神物奉事槁骨尤
兢上殘民滅國遞爭奪有此乃敢司黎蒸於時親甲別貴
賤太上藏法傳昆仍豈如元君湏見夢初知歡喜得未曾
自從九江罷納錫衆漁賤棄秋不登人上官廢亦已久果
獵誰復知殊稱今君此寶世莫識我亦坐視心膏上楮牀
纒堪比瓦礫當粟孰肯捐斗并糝頭腥臊何足嗜曳尾汚

穢適可憎盛衰除孽豈必驗蹈肯出險安敢憑剗賜以占
幸無事卷殼而食病未能如聞翕息可視效乃往有墮崖
千層仰窺朝陽俯引氣亦得難老如岡陵諒能學此真壽
類世論妄以蟲疑冰嗟余老矣倦呼吸起晏光景難瞻承
但知故人所玩惜每戒異物相侵陵唯憂盜賊今好卜夜
半刳請無威懲復恐僇夫負之走奔竊老木為薪丞淺焚
荒圃不可保守視且寄鍾山僧

示元度

昔居半
山園作

今年鍾山南隨分作園圃鑿池構五廬碧水寒可漱
溝西雁丁壯擔土為培塿扶疎三百株蒔練最高茂不求
鵝鷄實但取易成就中空一丈地斬木令結構五楸東都

來斲以遶簷溜老來厭世語深卧塞門實贖魚與之游餒
鳥見如舊獨當邀之子商略終宇宙更待春日長黃鸝弄
清晝

仲明父至宿明日遂行

初登張公門公子始冠憤於今見公子與我借髮白山林
坐語笑宛我在公側豈惟貌如之侃侃有公德憶公營懶
鄉許我歸作客我歸公既逝惆悵難再得子如得公文
懷我忻戚漂搖將安往稅駕止一昔寤言且勿寐庶以永
今夕何時復能還裹飯治城宅

杏花

石梁度空曠茅屋臨清烟俯窺嬌鏡杏未覺身勝影媽如

景陽妃含笑隨宮井 怙悵有微波殘粧壞難整

奉酬約之見招

君家段干木為義畏人侵 馮軾信厚禮踰垣 終福心川坻
寧有此園屋諒非今 雨過梅柳淨潮來 蒲稗深種芳彌近
渚伐翳取暎岑 清節亦難尚曠懷 差易尋子猷 憐水竹逸
少愜山林况復能 招我親題漢上襟

寄吳氏女子

伯姬不見我乃今 始七齡家書無虛月 豈異常歸寧 汝夫
綴卿官汝兒亦摺 紕兒已受師 孝出籃而更青 女復知女
功婉嫺有典刑 自吾咨汝東中父 繼在廷小父數往來 吉
音汝每聆 既嫁遂願懷 孰如汝所丁 而吾與汝毋湯 慰幸

小停丘園祿一品 吏卒給使令膏粱以晚食安步而車駟

山泉華壤間適志多所經 汝何思而憂 書每說涕零吾廬
所封殖歲久愈華 蒼豈特茂松竹 梧楸亦冥上 美荷美花
實彌漫爭溝淫 諸孫肯來游 誰謂川無給 姑示汝我詩 知
嘉此林垆末有擬 寒山覺汝耳目 勞因之授汝季也亦
淑靈

贈約之

君習寒而痞我齒熱以推 無方可採藥相值久無慘 欲尋
秦越人魂逝莫能招 但當觀此身不實如芭蕉

寄揚德逢

山樊老憚暑獨寤無所適 湖陰宛在眼曠若千里隔 遥聞

青秧底復作龜兆坵占歲以知子將勤而後食穿溝取西
港此計當未獲脩上兩龍骨豈得三以掛壁晤言久不嗣作
苦何時息炎天不可觸悵望新春白

再次前韻寄楊德逢

一雨洗炎蒸曠然心志適如輸浮幢海滅火十八隔俯觀
風水涌仰視電雲坵知公開霽後過我言不食翻然陂路
長泥淖困瘴復明上吾有懷如日照東壁莫逢田父歸倚
杖問消息渠來那得度南澆今已白

仲明父不至

張名軒字仲明父其字也

月出映溝坵煙升隱墟落寒魚占窟聚暝鳥投枝泊亭臯
閑晚市隴首歸新獲佇子終不來青燈耿林壑

與呂望之上東嶺

靖節愛吾廬荷玕樂吾耳適野無世諠吾今亦如此紛七
舊可厭俗子今掃軌使君氣相求眷顧未云已追隨上東
嶺俯仰多可喜何以況清明朝陽麗秋水微雲會消散豈
久汗塵滓所懷在分袪藉早淚如洗

與望之至八功德水

念方與子遠懽悅夜不眠起視明星高整駕出東阡聊為
山水遊以寫我心愉知子不鋪糟相與酌雲泉

要望之過我廬

念子且行矣要子過我廬汲我山下泉煮我園中蔬知子
有仁心不忍釣我魚我池在人境不與猿獼居亦復無蟲

蛆出没爭腐餘食罷往遊觀鰻上藻與蒲清波映白日擺
尾揚其鬚豈魚有此樂而我與子無擊壤誑 聖時自得
以爲娛

聞望之解舟

子來我樂負子去悲如何謂言且少留大舸已凌波闇黯
雖莫測皇明邁羲娥脩門歸有時京水非汨羅

法雲

法雲宿見春細路埋桑麻扶輿度淡水窈窕一川花一川
花好泉亦好初晴漲綠深於草汲泉養之花不老花底幽
人自慕槁

彎碣

殘暑安所逃彎碣北牕北伐翳作清曠培塿衛岑寂投衣
桂青枝數簞取一息涼風過碧水俯見遊魚食永懷少陵
詩羨潔淨如拭誰當共新甘紫角方可摘

月夜二首

山泉隨消陂陂月睡靜路惜哉此佳境獨賞無與晤瓌口
哆陂陰安予水西去碎僮擁草坐復使東南注

二

躡月看流水水明揮蕩月草木已華滋山川復清發寒裳
伏檻處綠淨數毛髮誰能挽姮娥俯灌凌波鞵 兩山間
自子營北渚數至兩山間臨路愛山好出山愁路難此花
如水淨山鳥與雲閑我欲拋山去山仍勸我還祇應身後

并公文集
塚亦是眼中山且復依山住歸鞍未可攀

臨川先生文集卷第一終

臨川先生文集卷第二

古詩

題南康晏吏君望雲亭

游亭

光宅寺

春日晚行

四皓二首

寄蔡氏女子二首

夢黃吉甫

遊土山示蔡天啓秘校

再用前韻寄蔡天啓

新花

真人

用前韻戲贈葉致遠直講

白鶴吟示覺海元公

示安大師

示寶覺

定林示道原

我所思寄黃士甫

寄朱昌叔

與僧道昇二首

贈彭器資

贈玉居士

贈李士雲

題南康晏史君望雲亭

南康父老傳史君疾呼急索初不聞未嘗遣汲谷簾水三
歲只望香爐雲雲徐無心澹無滓史君恬靜亦如此颯然
一去掃遺陰便覺歎煩悵千里歸田負戴子與妻圃蔬園
果山西出門亭皇百頃綠均望雲繞喜兩一犁我知新望
雲好欲斲比隣成二老莫嫌雞黍數往來爲報襄陽德公嫂
游亭
朝尋東郭來西路歷游亭衆山若怨思慘澹長眉青迸水
泣幽咽復如語丁寧豈予久忘之而欲我小亭歇鞍松栢
間坐起俯軒櫺秋日辛未暮茶衙兩冥冥

光宅寺

倚然光宅淮之陰扶輿獨來止中林千秋鍾梵已變響十
畝桑竹空成陰昔人倨堂有妙理高座翳遶天花深紅葵
紫莢復滿眼往事無跡難追尋

春日晚行

門前楊柳二三月枝條綠煙花白雪呼僮羈我果下驕欲
尋南岡一散愁綠岡初日溝港淨與我門前綠相映隔淮
仍是裊裊雲佇立怙悵去年時杏花園西光宅路草暖沙
晴正好渡輿盡無人撒迎我却隨倦鴨歸薄暮

新花

老年少忻豫況復病在牀汲水置新花取慰此流芳流
芳抵須更我亦豈久長新花與故吾已矣兩可忘

四皓二首

四皓秦漢時招上莫能致紫芝可以飽梁肉非所嗜
谷廣水渙上長雲泄上與其貴而拘不若賤而肆

三

秦毆九州非知力起經綸重利誘衆策頗知聚秦民
頽然此四老上交千載魂采芝商山中一視漢與秦
靈珠在泥沙光景不可昏道德雖避世餘風迴至尊
嫡孽一朝正留侯果知言出處但有禮廢興豈所存

真人

予常值真人能藏毒而寧能納穢若淨能易糲使馨
能解身赫上能逆知冥上日唯汝心櫻而汝耳目熒

廓然而無營其孰擾汝靈神奇實主汝厥通莫之令
嘻予豈不知黃帝與焦螟死心而廢刑乃可少聞靈
顧今親遘之於吾獨剽聆剗心事斯言自做以音銘

寄蔡氏女子二首

建業東郭望城西
堠千嶂承宇百泉遶
雷青遙上兮
纒屬綠苑上兮
橫逗積李兮
縞夜崇桃兮
炫晝蘭馨
兮
衆植竹娟兮
常茂柳菁兮
綿兮
含姿松偃蹇兮
獻秀
鳥跂兮
下上魚跳兮
左右顧我兮
適我有班兮
伏獸
感時物兮
念凌遲汝歸兮
携幼

二

我營兮北者有懷兮歸女石梁兮以苦蓋綠陰上兮
承字仰有桂兮俯有蘭嗟汝歸兮路豈難望超然之
流而長嘆

夢黃吉甫

夢傳失之妄悲一作晝冀見而想豈伊不可懷而使我心往
山林老顛眴數日占黃壤舟輿來何遲比望屢愴怛西城
薺花時落魄隨兩槩歲晚洲渚淨水消煙渺莽躑躅壁上
字期我無乃迂

遊土山示蔡天啓

定林瞰土山近乃在眉睫誰謂秦淮廣正可藏一鰈朝予
欲獨往扶僮強登涉藜侯聞之喜上色見兩頰呼鞍追我
馬亦以兩黥挾斂書付衣囊裹飯隨藥笈脩上阿蘭若土
木老山脅鼓鍾卧空曠篔簹離捷業升堂廓無主考擊誰
敢輒坡陀謝公冢藏禔夕穿劫百金買酒地野老今行盥

縞懷起東山勝踐比稠疊於時國累外楚夏血常喋外實
備艱梗中仍費調燮公能覺如夢自喻一蝴蝶桓 温適
自斃符堅方天厭且可緩九錫寧當快一捷彼哉斗筭人
得喪易於怯妄言殺齒折吾欲刊史牒傷心新城埭歸意
終難愜漂搖五城舟尚想浮河楫千秋隴東月長照西州
堞在無華屋是亦作蒲葵筵碎金諒可惜零落隨秋葉好
事所傳玩心殘法書帖清談敢不嗣陳迹况如接東陽故
侯孫少小同鼓篋一官初嶺海仰視飛鳶跼窮歸放歎段
高卧停遠蹠牽襟肘即見著帽耳纔摩數祿危敗屋爲我
炊陳滫雖無膏汚鼎尚有羹濡筴縱言及平生相視開笑
靨鄧鄠枕上事且飲且田獵或隱眠委翳或妄走超躡或

一號而寤或哭泣而魘幸哉同聖時田里老安帖易牛少
寶劍擊壤勝彈缺追憐衰晉未此土方岌業強偷須更樂
撫事終愁慄于雖天戮民有抵無接摺翁今貧而靜內熱
非復華亭衰極今歲儻與雞夢協委琬亦何恨吾兒已長
鬢翁雖齒長我未見白可鑄祝翁尚難老生理歸善攝父
留畏年少譏我兩咕囁束火扶路還宵明狐兔懼蔡侯姓
俊士心憐形亦謀異時能飛輕快若五陵俠胡爲阡陌間
踈足僅相躡諒欲交戀語怯子不能嚼

再用前韻寄蔡天啓

蔡侯東方來取友無所挾脩与一囊衣偶以一書爰定林
朝自炊有匕或無筴時匕羹藜藿鑊大苦難燃驕頑遂敢

悔有甚觀駢脅澹然山谷中變色未嘗輒始見類欺魄寒
暄粗訓接從容與之語爛漫無不涉奇經可治疾秘祝可
解魘巫醫之所知瞽史之所業載車必百兩獨以方寸攝
微言歸易悟疾若髭赴鑷天機信卓越學等何足躡縱談
及既往每與唐許協揚雄尚漢儒韓愈真秦俠好大人謂
狂知微乃如謀惟知造文字人惑鬼愁懾秦愚既改臯新
眊仍易疊其書遂失指隸草矜敏捷誰珍擅山刻共賞蘭
亭帖東京一祭酒收拾偶予愜少嘗妄思索老懶因退怯
侯方習篆籀寸管靜室摩深原道德意助我耕且獵昔功
恐唐捐異味今得盛京口媚學子追師嘗劫上陸羸漚亦
糧水傲湖海蝶遠求而近遺如目不見睫偽鳳易悅楚真

龍友驚華聞予再三歎徃徃心不厭或自逸而走或喏而
不嚙或嗤元郎漫或訛白翁囁鍊金徒欲消韞玉豈愁泥
賢愚有定分咄汝無喋喋跨鞍隨我遊曳徒聯我跼照泉
挹清泚跂石緣鬼業東陂數條魚西崦追蛺蝶翳林窺搏
黍藉草聽批頰黃尋遠蓮鬚紅閱鄰本醫荏苒光景流揚
園忽無葉扶病歸未久吾見喜寧帖褰裳告我去祿仕當
隨牒蕭晨秣款段歸騎得追躡謂言循東路覆出西城堞
行矣忍羈旅無魚勿彈缺天閑久索驥駿足方騰蹠長驅
勿驕矜小踈亦勿憐鵬飛九萬里勿借風一筵溟波浩難
窮勉自養鱗鬣爵祿實天械功名為接摺寧能復與我揮
漾秦淮楫附書勿辭頻隔歲期滿

用前韻戲贈葉致遠直講

葉侯越著姓，肯出實楚葉。縉雲雖窮遠，冠蓋傳累葉。心太
有所灣，有高未嘗脅。飄兮凌雲意，強禦莫能懾。辟雍海環
流，用汝作舟楫。開胃出妙義，可發矇起廢。詞如太阿鋒，誰
敢觸其缺。聽之心凜然，難者口因噤。搏飛欲裁七，鍛墮今
跼跼。忘情塞上馬，適志夢中蝶。若金靜無求，在冷惟所挾。
載醪但彼惑，饋漿非我謀。經綸安所施，有寓聊自愜。綦綦
看在手，綦訣傳蒲篋。坐尋綦勢打側寫，綦圖貼鶴持。山林
復刺摘，溝港鯨一抨。崑自副當熱，寧忘筵反嗤。襜襜子但
守一經，笈亡羊等殘生。朽筴何足招，歡然值手敬。便與對
對筴，縱橫子墮局。膈膊聲出，樸樵父弛遠。擔牧奴符晏，盍

旁觀各技癢，竊議兒文躡。所矜在得喪，聞此更心慄。熟視
籠兩手，徐思燃長鬣。微吟靜悄悄，堅坐高帖帖。未快巖谷
叟，斧柯嘗爛浥。趨邊吐舌縮，穿腹愁危業。或撞闕以攻，或
覷眼而擊，或竊行伺擊，或猛出追躡。垂成忽破壞，中物俄
連接。或外示間暇，伐事先和燮。或冒突超越，鼓行令震疊。
或粗見形勢，驅除令遠蹀。或開拓疆境，欲并包摠。攝或僅
殘尺寸，如黑子著罟。或橫潰解散，如尸僵血喋。或慙如告
亡，或喜如獻捷。陷敵未其虜，報仇方借俠。諱輸寧斷頭，悔
悞乃批頰。終朝已罷精，旣夜未交睫。翻然悟且歎，此何宜
劫劫。孟軻惡妨行，陶侃懲廢業。楊雄有前言，韋曜存往牒。
晉臣抑帝手，授侯何啻波。冷城子爭道，拒父乃如輒。爭也

實逆德豈如私關怯藝成况窮苦此殆天所厭如今劉與
李倫等安可躡試令取一毫亦乏寸金鑷以此待君子未
與回參協操具投諸江道耕而德獵

白鶴吟示覺海元公

白鶴聲可憐紅鶴聲可惡白鶴靜無匹紅鶴喧無數白鶴
招不來紅鶴揮不去長松受穢死乃以紅鶴故北山道人
曰羨者自羨吾何為而喜惡者自惡吾何為而怒去自去
耳吾何闕而追來自來耳吾何妨而拒吾豈厭喧而求靜
吾豈好丹而非素汝謂松死吾無依邪吾方捨陰而坐露

示安大師

道人深北山為家宴坐白露眠蒼霞手扶枕杖雖老矣走

險尚可追屨屨踞堂俯視何所有窈窕樛木垂摸植深尋
石路仍有栗持以饋我因烹茶

示寶覺

宿兩轉歎煩朝雲擁清迥蕭蕭碧柳輕脉脉紅蕖靦默卧
如有懷荒乘豈無興幽人適過我共取牆陰徑

定林示道原

昨登處林山俯視東南陔但見一方白莫知所從來濕銀
澗寒晶益以青培堆迢迢掩靄中疑有白玉臺是夕清風
興煩雲豁然開常娥攀桂枝顧景久徘徊杖藜忽高秋陳
迹與子陪壯觀非復昔平蕪夜莓苔

我所思寄黃吉甫

我研思字在彭蠡一奩塞晶徑千里天低紺滑風靜止月
澹潭潭尤可喜亦復可憐波浪起琉璃崩嵌湧顛繁萬斛
之舟簸一葉超邑越都如歷指岸沙雪積山雲委雲平飛
泉挂龍尾跳空散作平地水牛乳芳甘那得比蘿蕉冥冥
蔭演迤稍上尋源出竒詭像圖釋迦祠老子臺殿暗靄相
重累石槽環除逗清泚松竹靚深無虎虺其徒倏然棄塵
滓雖未應真終適已黃侯可與談妙理視棄榮官猶醉徒
每採紫芝求石髓我欲從之勸游徒穀城公孫能若此五
老聞之當啓齒寄聲五老吾念爾相見無時老將死

寄朱昌叔

西安春風花幾樹花邊飲酒今何處一盃塞上看黃雲萬

里寄聲無鴈去世事紛々洗更新老來空得滿衣塵青山
欲買江南宅歸去相招有此身

與僧道昇二首

昇也初見我膚腴仍潔白今何苦而老手脚皴以黑聞有
道人者於今號禪伯勦汝以一句西歸瘦如腊凌觀青々
枝歲寒好顏色此松亦有心豈問庭前栢

二

跋陀羅師能幻物幻穢爲淨持幻佛々幻諸天以戲之幢
幡香果助設施茫然悔欲除所幻還爲幻佛力所持佛天
與汝本無間汝今何恭昔何慢十方三世本來空受記豈
非遭佛幻

贈彭器資

鄱水滔天竟東注氣澤所鍾賢可慕文章浩渺足波瀾行
義迢迢有歸處中江秋浸兩崖間迴洄與我相往還我挹
其清久未竭復得縱觀於波瀾放言深入妙雲海示我僊
聖本所寰楞伽我亦見髮鬢歲晚所悲行路難

贈王居士

武林王居士與子俱學佛以財供佛事不自費一物

贈李士雲

李子山水人而常寓城郭毫端出窈窕心手初不著我聞
大梵天擎跨雞孔雀執鈴揚赤幡浩劫淨無作佳哉子能
圖可以慰寂寞相與驗其真他年在寥廓

三卷終

臨川先生文集卷第三

古詩

題半山寺壁二首

定林寺

題定林壁

移桃花示俞秀老

對碁與道原至草堂寺

書八功德水庵

放魚

霾風

即事二首

偶書

擬塞山拾得二十首

自遣

自喻

吉意

吾心

無營

病起

獨肆

獨卧

無動

車載板二首

夢

跋黃魯直畫

過楊德逢莊

秋熱

題半山寺壁二首

秋早

我行天即雨我止雨還住兩豈為我行邂逅與相遇

二

寒時暖處坐熱時涼處行衆生不異佛七即是求生

定林寺

衆不凜交覆孤泉靜橫分楚老一枝筇於此傲入群城市
少美疏想今困惓焚且憑東北風特寄嶺頭雲

題定林壁

定林自有主我為林下客主冬有心還能共岑寂

移桃花示俞秀老

舍南舍北皆種桃東風一吹數尺高枝柯焉綿花爛熳美
錦千兩敷亭臯晴溝漲春綠周遭俯視紅影移漁舸山前
邂逅武陵客水際髮鬢秦人逃攀條弄芳畏晚晚已見黍
雪盤中毛仙人愛不令虎守百年終屬推蘇手我衰此果
復易朽蟲來食根那得久理池緝絕誰見有更值花時且
追酒君能酌酌相隨否

對基臨道源至草堂寺

北風吹人不可出清坐且可與君基明朝投局日未晚從
此亦復不吟詩

三

書八功德水庵

幽獨若可厭直宜為可喜見山不礙目聞水不逆耳
脩然無所為自得而已矣

放魚

捉魚淺水中投置最深處當暑脫煎熬脩然泳而去
豈無良庖者可使供七箸物我皆畏苦捨之寧啖茹

霾風

霾風摧萬物暴雨膏九州卉花何其多天闕亦已稠
白日不照見乾坤莽悲愁時也獨奈何我歌無有求

偶書

惠施說萬物繁特忘一句寄語讀書人叟也非勝處

即事二首

羊公文集
雲從鍾山起却入鍾山去借問山中人雲今在何處

二

雲從無心來還向無心去無心無處尋莫覓無心處

擬寒山拾得二十首

牛若不穿鼻豈肯推入磨馬若不絡頭隨宜而起卧
乾地終不泥平地終不墮擾上受輪迴祇緣疑這箇

二

我曾爲牛馬見草豆歡喜又曾爲女人歡喜見男子
我若真是我祇合長如此若好惡不定應知爲物使
堂堂大丈夫莫認物爲已

三

凡夫當夢時眼見種上色此非作故有亦非求故獲

不知今是夢道我能畜積貪求復守護嘗怕水火賊既覺
方自悟本空無所得死生如覺夢此理甚明白

四

風吹瓦墮屋正打破我頭瓦亦自破碎豈但我血流我終
不嗔渠此瓦不自由衆生造衆惡亦有一機抽渠不知此
機故自認怨尤此但可哀憐勸令真正脩豈可自迷悶與
渠作冤讎

五

若言夢是空覺後應無記若言夢非空應有真實事燔燒
陽自招沈溺陰自致令汝驚鷲魔豈知安穩睡

六

人人有這箇這箇沒量大坐也坐不定走也跳不過鋸也
解不斷鎚也打不破作馬使搭鞍作牛使推磨若問無眼
人這箇是甚麼便遭伊纏繞鬼窟裏忍餓

七

我讀萬卷書識盡天下理智者渠自知愚者誰信爾可哉
閑道人跳出三句裏獨悟自根本不從他處起

八

幸身無事時種七妄思量張三袴口窄李四帽簷長失脚
落地獄將身投鑊湯誰知受執惱却不解思量

九

有一即有二有三即有四一二三四五有亦何妨事如火

能燒手要須方便智若未解傳薪何須學鑿燧

十

昨日見張三憊他不守已歸來自悔者分別亦非理今日
見張三分別心復起若除此惡習佛法無多子

十一

傀儡祇一機種上沒根栽被我入棚中昨日親看來方知
棚外人撥弄一場散終日受伊謾更被索錢財

十二

季生垣蕩上所見實奇哉問渠前世事答我燒炭來炭成
能然火火過却成灰灰成即是土隨音立根栽

十三

眾生若有我七何能度脫眾生若無我已死應不活眾生
不了此便聽佛與奪我無我不二四天王讚鉢

十四

莫嫌張三惡莫愛李四好既往念即曉未來思又早見之
亦何有欸然如電掃惡既是磨滅好亦難長保若令好與
惡可積如財寶自始而至今有幾許煩惱

十五

失志難作福得勢易造罪苦即令快樂七即生貪愛無苦
亦無樂無明亦無昧不屬三界中亦非三界外

十六

打賊七恐怖看客七喜歡亦有客是賊切莫受伊謾樂哉

貧兒家無事役心肝既無賊可打豈有客須看

十七

有一種貧兒不能自營生若不作客走即須隨賊行復有
一種貧常時復彭亨若有亦不畜若無亦不營

十八

汝無名高者以見利貪叨汝無行實者以取著名高行實
尚非實利名豈堅牢一朝投土窟魂魄散逃逃

十九

勇有孟施舍能無懼而已若人學佛法勇亦當如此休來
講下坐莫入禪門裏但能一切捨管取佛歡喜

二十

利賾汝刀山渴愛汝灰河汝癡分別心即汝澹魔羅圓成
但一性一切法依他徧了一切法不知且頭陀

自遣

閉戶欲推愁終不肯去底事春風來留愁不住

自喻

岸涼竹娟水淨菱帖上鯁搖浮遊鬚魚鼓嬉戲鬣釋杖
聊一榻寒裳如可涉自喻適志歎翻然夢中蝶

古意

來芝天門山寒露潭毛骨帶青九萬里空洞無一物傾河
略西南晶射河鼓沈沒蓬萊眼中見人世歎超忽當時棄桃
核聞已撐月窟且當呼阿環乘興弄溪渤

吾心

吾心童稚時不見一物好意言有妙理獨恨知不早初聞
守善死頗復吝肝腦中稍歷艱危悟身非所保猶然謂俗
學有指當窮討晚知童稚心自足可忘老

無營

無營固無尤多與亦多悔物隨擾上集道與脩然會觀真
自苦莊周吾所愛萬物莫足歸此言猶有在

病起

稚金敷新涼老火弛殘濁桃枝煖渙忍散髮晞曉捉煩疴
脫然愈靜苦遺身覺移榻敬獨眠欣佳恐難數

獨歸

鍾山獨歸雨微宜稻畦夾岡半黃青疲農心知水未足看
雲倚木車不停悲哉作勞亦已久暮歌如哭難爲聽而我
官閑幸無事北窓枕簟風泠泠於時荷花擁翠蓋細浪颺
雪千娉婷誰能歆眠共此樂秋港雖淺可揚舲

獨卧有懷

午鳩鳴春陰獨卧林壑靜微雲過一雨浙瀝生晚聽紅綠
紛在眼流芳與時競有懷無與言佇立鍾山暝

無動

無動行善行無明流有流種上生佳成念念聞思修終不
與法縛亦不着僧來

夢

知世如夢無所求無所求心普空寂還似夢中隨夢境成
就河沙夢功德

車載板二首

荒哉我中園珍果所不產朝暮惟有鳥自呼車載板楚人
聞此聲莫有笑而莞而我更歌呼與之相往返視遇若搏
黍好音而睨睨壤上生死夢又知無可揀物弊則歸土吾
歸其不晚歸歟汝隨我可相高里挽

二

鳥有車載板朝暮嘗一至世傳鵬似鷄而此與鷄似唯能
預人死以此有名字疑即賈長沙當時所遭值洛陽多少
年擾七經世意粗聞方外語便釋形骸累吾衰又捐書放

浪無復事尚自不見我安知汝爲異憐汝好毛羽言音亦
清麗胡爲太多知不默而見忌楚人旣憎汝彈射將汝利
且長隨我遊吾不汝棄哉

跋黃魚目書

江西黃鵠飛滿野徐熙畫此何爲者 年幅紙無所直公
每玩之常在把

過揚德逢莊

攜僧出西路日晏昧所投循河望積穀一飽覺易謀稚子
舉按出咄嗟見盤羞飯新秬有香煮菜旨且柔暮從秀出
歸秣寒得少留捧腹笑相語果然無所求

秋熱

火騰爲虐不可攢屋窄無所逃吾骸織蘆編竹繼攔宇架
以松櫟之條枚豈惟窄至得清坐因有餘地蘇陪其憂烈陽
吐秋更暴橫熾我欲作昆明灰金流玉熠何足恠鳥焚魚
爛爲可哀憶我少時亦值此條然但以書自埋老衰奄匕
氣易奪撫卷豈復能低徊西風忽送中夜濕六合一氣窒
新開簾窗扉戶便防冷且恐霰雪相尋來

秋旱

暮尋蔡墩西獨覺秋尚早山路葩卉繁野田風日好禪林
烏未泊經屋塵初掃纒藤五花蕈復足休吾老

酌王濬賢良松泉二詩

荅俞秀老

清涼寺送王彥魯

送惠思上人

老景人信

雜詠八首

張良

司馬遷

諸葛

讀墨

讀秦漢間

幽谷引

明妃曲二首

桃源行

食黍行

歎息行

送春

兼并

同沈道源遊八功德水

寒雲靜如凝寒日
慘如威解鞍寒山中
共坐寒水側新
出短綆一酌煩可滌
仰攀青上枝木醴何所直

抽簪鍾山

佇立望鍾山陽春更蕭瑟暮尋北郭歸故遶東岡出

思北山

日日思北山而今北山去寄語白蓮庵迎我青松路

上南崗

暮塢屋荒涼寒陂水清淺捐書息微倦委纏隨小蹇偶攀
黃上柳却望青上巘幽尋復有與未覺西林晚

謝公墩

走馬白下門投鞭謝公墩昔人不可見故物尚或存問樵
樵不知問牧牧不言摩挲蒼苔石點檢履齒痕想此絳長
檣想此倚短鞍想此玩雲月狼藉盤與罇井迳亦已漫漫
然黍黍村攤截羊曇骨放浪李白魂亦已同山丘緬懷辭

蘭孫小草戲陳迹其棠詠遺墨萬事付鬼錄耻榮何足論
天機自開闔人理孰畔援公色無懼喜儻知禍福根涕淚
對桓伊暮年無乃昏

秋夜泛舟

池塹秋水淨扁舟溯涼颿的鱗荷上珠俯映疎星搖深弄
畏魚滄中道只回橈冥上菰蒲中乃復有驚跳

和耿天階同遊定林

適人深閉門二客來不速攝衣負朝暄一笑皆捧腹逍遙
煙中策放浪塵外躅晤言或世間誰謂非絕俗

次韻約之謝惠詩

魚跳桑柳陰鳥落蒲葦側已無谿姑祠何有江令宅故人

人耽田里老脫尚方鳥開亭捐百金於此掃塵迹地偏人
罕至心遠境常寂我行西州旋稅駕候顏色相隨望南山
水際因一息公時指岸木謁此可尋尺伐之營中止持用
自怡憚懼言俟其成邀我堂上食百憂每多違一諾還自
揚春風欄楹新坐久膝前席脩然忘故約北郭疑有適長
誼舒未懷佇想對以臆摘辭甚有理竊比書石鷁知公不
欺我把玩果心惻嘉肴既夙設麗景仍虛擲左車公自迎
右券吾敢責聞說莖羨臙芬香出鄰壁婦休機行事兒失
刀繫職何膠上擾上而紛上籍上攜持欲一往繼此方如
織元龍但高眠司馬勿親滌幾能孩童舊握手皆鬢白有
興即聯鞭東阡與南陌

次顏舍弟江上

岸紅歸欲稠渚綠合猶晚晴沙上履輕暖水隨帆遠吹波
戲魚動掠葉飛禽返著意覓幽蹊桃花悞劉阮

酌王濬賢良松泉二詩

松

世傳壽可三松倒此語難為常人道人能百歲自古稀松
得千年未為老我移兩松苦不早豈望見渠身令抱但憐
衆木總漂搖顏色青青終自保免絲苾苾會當有邂逅食
之能壽考不知篝火定何人且看森垂覆荒草君詩愛我
亦古意秀眉昔比南山栲復謂留侯不及我人或笑君無
白皂求僊辟穀彼誠悞未見赤松饑已槁豈如強飯適志

遊封殖蒼官蔭華皓赤松復自無特操上下隨煙何怪怪
蒼官受命與舜同真可從之忘髮縞詩雖祝我以再黑積
雪已多安可掃試問蒼官值歲寒戴白孰與蒼然好

泉

宋興古剎今長干靈躍臺殿荒檀欒二泉相望棄不潔西
泉尚系三石繁其流散漫為沮洳稍集小礫生微瀾東泉
土梗久蔽塞穿治乃見甃甃完道人慈哀波及遠溝蕩兩
取合土山山前灌輸各自足輓轡罷轉井口閑取遙比其
覺近美與舊爭冽知新寒蟲蟲夏秋百源乾抱甕復道愁
蹢躅疾傾橫逗勢未足嗟此善利何時殫慮長易脆有大
檀伐堅羗廬營孱頽金多匠手肯出巧風水千里安知難

沒羽之虎行林間籜龍矢職因藏跼循除靜投悲瑟
瑟映瓦微見清潺上三年營之一日就有口共以成
為權論功信可多後觀何以當時萬竹蟠

荅俞秀老

諸偶緣安有實相非相偶雖神如季咸終亦失而走
清涼寺送王彥魯

空懷誰與論夢境偶相值莫將漱流齒欲掛功名事
送惠思上人

黃鶴撫四海翻然落中州一聽笙與鏞低回如有求
飛鳴阿閣上好與鳳凰遊顧憐魯東門無事反悲愁
歲晏忽驚矯問胡不索留因知網羅外猶有稻梁謀

老景名古

老景春可惜無花可留得繞屋諸先生蕭上何所直
每嫌柳渾清追悵葉太白多謝安石榴向人紅藥拆

雜詠八首

萬物余一體九州余一家秋毫不為小微外不為遐
不識壽與夭不知貧與賒忘心乃得道亡不去紛華
迹以觀之堯舜亦泥沙
莊周謂如此而世以為夸

二

神龍豢可致猛虎擾亦留變生父子間上聖不能謀
常情在欲得義養或成仇他人思更輕患禍信難周

三

古風致遜悵班固見尊優薄俗謬為供獨在勢權尤
伏波迷俯像愛禮坐成仇斷上洙泗間豈是老者羞

四

羔豚窘虎豹鳩雀窮鷹鸇巧者具機弋鷲猛還拘繼論功
莫如神論大莫如天悲哉區上人乃欲逃其間

五

黃雀死彈丸厥罪在啄粟翠鵠不近人何為亦窮奪材為
世所利高下同僵仆能逃天地間蟻螻無不足

六

關雎后之淑棫樸王之明兔且尚好德況乃公與卿所以
彼行常敦然遂其生誰能絃且歌為我發古聲

七

召公方伯尊材亦聖人亞農特憚煩良聽訟甘棠下

嗟今千室長已耻問耕稼彈琴高堂上欲以世為化

八

任公蹲海濱二釣飽千里用力已云多鈎緝亦難理巨魚
暖更逃壯士餓欲死游儵不可數空滿滄浪水

張良

留侯美好如婦人五世相韓七入秦傾家為主合壯士博
浪沙中擊秦帝脫身下邳世不知舉國大索何能為素書
一卷天與之穀城黃石非吾師因陵解鞍聊出口捕取項
羽如嬰男從來四皓招不得為我立棄山芝洛陽真誼才
能薄擾七空令絳灌疑

司馬遷

孔鸞負文文不忍留枳棘嗟子刀鋸間悠然止而食
或書與後世憤排軛自繹頌略非一家高辭殆天得
雖微樊父明不失孟子直
彼欺以自私豈啻相十百

諸葛武侯

漢曰落西南中原一星黃群盜伺昏黑絲翻各飛揚
武侯當此時龍岡獨摧藏掉頭梁甫吟蓋與眾爭光
解近得所從幅巾起南陽崎嶇巴漢間屢以弱攻強
釋上若長庚孤出照一方勢欲捷六龍東迴出鉄桑
惜哉淪中路怨者為悲傷
堅子相餘策猶能走強梁

讀墨

誰為堯舜徒孔子而已矣人皆是堯舜未必知孔子
伯夷不辱身柳下援而止孔子尚有言我則異於是
兼愛為無父排斥回其理孔墨必相用自古寧有此
退之朝魯連顧未知之耳如何蔽於斯獨有見於彼
進人工自私翟也信奇偉惜乎不見正遂與中庸說
逸之醉孟軻而駭苟揚氏至其趣舍間亦又蔽於已
化而不自知此語孰云俚詠言以自警吾詩非好詆

讀秦漢間事

秦傲天下材入作阿房宮宮成非一木山谷為窮空
子羽一炬火羅山三月紅能令掃地盡豈但焚人功

幽谷引

雲翳兮谷之幽天將雨我兮田者之稠有繩于防
兮有畚于溝我公不出兮誰省吾憂日暉兮山之
下歲則熟兮收者舞吾收滿車兮棄者滿筐誰吾與
樂兮我公燕語山有木兮谷有泉公與客兮醉其間
芳可舉兮其可漱無壯無穉兮環公以笑公歸而醉
兮人則喜公好我州兮殆其肯止公歸不醉兮我之
憂豈其不憚兮將舍吾州公一朝兮去我七歲七兮
來遊完公亭兮使勿毀以慰吾兮歲七之愁

明妃曲二首

明妃初出漢宮時淚濕春風鬢脚垂低何顧影無顏色尚
得君王不自持歸來却怪丹青手入眼平生幾曾有
意態由來畫不成當時枉殺毛延壽一去心知更不歸可憐若
盡漢宮衣寄聲欲問塞南事只有年年鴻鴈飛家人萬里
傳消息好在檀城莫相憶君不見咫尺長門閉阿嬌人生
失意無南北

二

明妃初嫁與胡兒羶車百兩皆胡姬含情欲說獨無處傳
與琵琶心自知黃金捍撥春風手彈看飛鴻勸胡酒漢宮
待女暗垂淚沙上行人却回首漢恩自淺胡自深人生樂

在相知心可憐青家已蕪沒尚有哀絃留至今

桃源行

華夷宮中座為馬秦人半死長城下避時不獨商山翁亦
有桃源種挑者此來種桃經共春採花食實技為新兒孫
生長與世隔雖有父子無君臣漁即漁舟迷遠近花間相
見因相問世上那知古有秦山中豈料今為晉聞道長安
吹戰塵春風回首一霑巾重華一去寧復得天下紛紛經
幾秦

食黍行

周公兄弟相殺戮李斯父子夷三族富貴常多患禍患亦
賤亦復難為情身隨衣食南與北至親安能不在側

黍熟同一炊歎見隴上黃離也遊人中道忽不返從此食
黍還心悲

歎息行

官驅群囚入市門妻子慟哭白日昏市人相與說囚事破
家劫錢何處村朝廷法令亦寬大汝罪當死誰云寬路傍
年少歎息汝正觀元七之子孫

送春

武陵山下朝買船風吹宿霧山花鮮萬家笑語橫青天綺
窓翠幕舞嬋娟小鬟折花叩船舷玉琰寫酒罇金錢朱夢
飛動浮雲嘯天外筦簫來宛轉斷橋人行夕陽路樓觀瑤
瑤影中見酖顏未分驂騑催燭入坐客猶徘徊豈知閭閻

門邊住春盡不見芳菲開日月紛七車走坂少年意氣何
由挽洞庭浪與天地白塵迷萬里東浮眼黑貂裘敝歸幾
時相見綠樹啼黃鸝榮華俯仰憂患隨命駕吾與高人期

兼井

三代子百姓公私無異財人主擅操柄如天持斗魁賦予
皆自我兼井乃姦回姦回法有誅勢亦無自來後世始倒
持黔首遂難裁秦王不知此更築懷清基禮義日已偷望
經久煙埃法尚有存者欲言時所哈俗吏不知方措克乃
為材俗儒不知變兼井可無推利孔至百出小人私闔開
有司與之爭民愈可憐哉

臨川先生文集卷之四終

臨川先生文集卷之五

古詩

和吳御史沐渠

酬王詹叔奉使江南訪茶利害

酬王伯虎

答虞醇翁

送潮州呂使君

寄魚子固二首

虎圖

次韻信如公石枕斲篔簹

和吳冲卿雪

和冲卿雪詩并示持國

送石賡歸寧

送張拱微出都

寄題睡軒

冲卿席上得作字

塞翁行

白溝行

河間

陳橋

澶州

和吳御史沐渠

鄭國欲弊秦渠成秦富疆本始意已陋末流功更長維汴亦如此浚源在滎流歸作萬世利誰能弛其防夷門築天都橫帶國之陽潛引天下半豈云獨荆揚貨入空外府租輸陳太倉東南一百年寡者無殘糧自宜富京師乃亦窘蓋藏征求過夙昔機巧到蓬芒御史閱其然志欲窮舟航此言信有激此水存何傷救世詎無術習傳自先王念非老經綸豈易識其方我懶不足數君材仍自強他日聽施設無乃棄篇章

酬王詹叔奉使江南訪茶利害

余聞古之人措法貽厥後命官惟賢材職事又習徂止能權輕重王府則多有豈嘗摧其子而為民父母當時所經

營今十已毀九其一雖幸在漂搖亦將朽公卿患才難州
縣固多有詔令雖數下紛七誰與守官居甚傳舍位以聲
勢受既不責施為安能辨賢不區七欲抹弊萬謗不容口
天下大安危誰當執其咎勞心適有罪養譽終天醜豈惟
祖子孫教戒及朋友貴者大其領詩人歌四牡至尊空獨
憂不敢樂飲酒寄矣富阡陌哀哉此無賴鄉間人所懷今
或棄而走豈無濟時術使爾安獻畝故今二三公戮力思
矯揉未惟東南害奈法蓋其首私藏與竊販行微常紛紜
輸將一不足徃徃死鞭杻販陳彼雜惡強賣曾非誘已云
困關市且復擇林藪將更百年敵謂民知可否出節付群
材詢謀欲經久朝廷每若此自可躋仁壽因知從今始漸

欲人財阜吾宗恢奇士選使自朝右聰明諒多得爲上歸
析剖王程雖薄遽邦法難鹵莽願君博諮諏無擇壯與考
余知茶山民不必生皆厚獨當征求任尚恐難措手孔稱
均無貧此語今可取譬欲輕萬鈞當令衆人負強言豈宜
當聊用報瓊玖

酬王伯虎

吾聞人之初好惡尚無朕帝盪鑿耳目賢愚遂殊品爾來
百千年轉化薄愈甚父翁相販賣浮詐誰能審睢肝猴纓
冠狼籍鼠穴寢滄海恐值到誰論魚鼈滄鴉聲雖云惡革
去在食甚嗟誰職教化獨使此風稔恬觀不知救坐費太
官厚予生少而贅好古乃天稟念此俗衰壞何嘗敢安枕

有時不能平悲吒失食欲唯子同我病亦或涕沾衽謂予
可告語密以詩來詗爛然辭滿紙秋水濯新錦窮觀何拳
拳靜念復漂々賤貧欲救世無寧猶拾瀋說窮且版築尹
屈唯烹飪逢時豈遽廢避俗聊須噤徂年幸未暮此意可
勤恁

荅虞醇翁

輟學以從仕七非吾本謀欲歸諒不能非敢忘林丘臨餐
恥苟得翼以盡心疇萬事等書墁雖勤亦何收揚七古之
人彼職乃無憂感子撫我厚欲言抵斬羞

送潮州呂使君

韓君揭陽居戚嗟與死隣呂使揭陽去笑談面生春當復

進趙子詩書相討論不必移鱣魚詭怪以疑民有若大顛
者高材能動人亦勿與焉禮聽之汨彞倫同朝叙朋友異
姓接婚姻恩義乃獨厚懷哉余所陳

寄曾子固二首

嚴々中天閣藹々層雲樹爲子望江南蔽虧無行路平生
湖海士心迹非無素老矣不自知低徊如有慕傷懷西風
起心與河漢注哀鴻相隨飛去我終不顧

二

崔嵬天門山江水遶其下寒渠已膠舟欲往豈無馬特恩
繆拘綴私養難乞假低徊適爲此含憂何時寫吾能好諒
直世或非詭詐安得有一廛相隨問耕者

虎圖

壯哉非羆亦非貙目光夾鏡當坐隅橫行妥尾不畏逐顧
盼欲去仍躊躇卒然我見心爲動熟視稍上摩其鬚固知
畫者巧爲此物安肯來庭除想當槃礴欲畫時睥睨衆
史如庸奴神閑意定始一掃功與造化論錙銖悲風颭
吹黃蘆上有寒雀驚相呼槎牙死樹鳴老鳥向之俛喙如
哺鷓山牆野壁黃昏後馮婦遙看亦下車

次韻信都公石枕蘄簟

端溪琢枕綠玉色蘄水織簟黃金紋翰林所寶此兩物笑
祝金王如浮雲都城六月招客語地上赤日流黃塵燭龍
中天進無力客王歆然各疲劇刑骸直欲坐棄忘冠帶安

能強修飾恃公寬貸更不疑箕倨豈復論官職笛材平瑩
家故藏硯璞物清此新得掃除堂居就陰翳公不自眠分
與客知公用意每如此真能與物同其適豈比法曹空自
私却願天日長炎赫公才卓犖人所驚久矣四海流聲名
天方選取欲扶世豈特使以文章鳴深探力取常不寐思
以正議排縱橫奈何甘心一榻上欲卧頽尾爲繫清賢愚
勞佚非一軌顧我病昏惟未死心與萬事久脩然身寄一
官真偶爾便當買宅歸偃休白髮溪山如願始看公勦力
就太平却上青天跨箕尾

和吳冲卿雪

陽回力猶遭陰合勢方輦真空忽汗漫造物誰從憑輕於

擘絮紛細若吹毛
毳雲連晝已
替風助宵仍
洵憑陵雖一
時變態亦于種
簾深卷或避戶
隘關猶擁滔天
有凍浪而
地無荒隴飛揚
類挾富委翳等
辭寵穿幽偶相
重值險輒
孤聳積恠會將
舒群輕那久重
紛華始滿眼消
釋不旋踵
槁樹散飛花空
簷落縣漣還當
困炎熱以此滌
煩壅共約
市南人收藏不
為冗

和冲卿雪詩并示持國

地卷江海浮天吹
河漢湧北風散作
花巧麗世無踵
靈昏得照曜塵滓
歸掩擁荒林無空
枝幽瓦有高隴
分纒一毛細聚或
千鈞重飛颺窺已
眩摧墜聽還兇
漁舟平繫舷樵
僑沒歸踵空令物
象瑩豈免川塗
壅爭光姮娥妬
失色羲

和恐賴逢陽氣
蒸轉作水波溶
舞庭稱賀嚴掃
路傳呼寵衝遊
謝壯少避臥甘
閑冗吳侯絕俗
唱韓子當敵勇
勝負觀兩豪吾
衰但陰拱

送石磨歸寧

虛名誤長者
邂逅肯經過
所操十餘篇
浩蕩決江河
側身朝市問
樂少悲慙多
文章舊所好
久已廢吟哦
開編喜有
得一讀
瘳沉疴
裹飯北城陰
求懷從晤歌
又欲及歲
晚空堂掃絲
窠稍出平生
言道藝相
琢磨忽隨
鴈南飛當
此葉辭柯去
七
梨嶺高想
見青坡陀
黃花一杯
酒爲壽樂
如何微詩等
瓦礫持用
報隋和

送張拱微出都

歸卧不自得出門無所投獨尋城隅水送子因遠遊荒林
纏悲風慘七吹馳裘捉手共笑語顧瞻中河舟嗟人皆行
樂而我方坐愁腸胃繞鍾山形骸空此留念始讀詩書豈
非亦有求一來裏青衫觸事自悔尤誤爲世所容榮祿今
白頭塞責以區區一毛施萬牛不足助時治但爲故人羞
寬恩許自効終欲東南流子今涉冬江船必泊蔡洲寄聲
冶城人爲我問一丘

寄題睡軒

劉侯少抗慨天馬脫羈羈一官不得意州縣老委蛇新居
當中條牆屋稍補治疏軒以睡名從我遠求詩朝廷法令
具百吏但循持又况佐小邑有才安所施賦租如簿領獄

訟了鞭笞條然即高枕於此樂可知王官有空谷隱者當
棲遲拂榻夢其人亦足慰所思嗟予久留連竊食坐無爲
浩歌臨西風更欲往從之

冲卿席上得作字

咨予乏時才始願乃丘壑強走十五年朱顏已非昨低回
大梁下屢歎風沙惡所欣同舍郎誘我文義博古聲無惱
淫真味有淡泊追攀風月夕貌簡非心畧君恩忽推徙所
望頗乖錯尚憐得經過未比參辰各留連惜餘景從子至
日落明燈照親友環坐傾杯杓別離寬後悲笑語盡今樂
論詩知不如興至亦同作

塞翁行

塞翁少小壘上鋤塞翁老來能捕魚
長如人水滿眼桑柘死盡生美
漢家新提廣能築胡兒壯馬休
南牧北風卷却波浪聲
抵放田車行輕轆

白溝行

白溝河邊蕃塞地送迎蕃使年
上事蕃馬常來射狐兔漢兵
不道傳烽燧萬里鉏耰接塞垣
幽燕桑葉暗川原棘門灞
上從兒戲李牧廉頗莫更論

河間

北行出河間千歲想暨全胡麻
生逢中詰曲終自傷好德
尚如此恃材宜見戒乃知陰
自脩彼不為傾商區上三世
家廟冊富文章教子以空言
得祿果不良

陳橋

走馬黃昏渡河水夜爭歸路
春風裏指點帝城太白高投
鞭日午陳橋市場柳初回陌
上塵胭脂洗出杏花勻紛
上寒路堪追惜失却新年一半春

澶州

去都二百四十里河流中間
兩城峙南城草草不受兵
北城樓櫓如邊城城中老人
為予語契丹此地經鈔虜
黃屋親乘矢石間胡馬欲
踏河冰渡天發一矢胡無
首河冰亦破沙水流歡盟
後此至今日丞相萊公功
第一

送李屯田守桂陽二首
 送吳仲度出守潭州
 雜詠三首
 即事三首
 送鄭叔熊歸閩
 寄二弟時往臨川
 李氏沅江書堂

臨川先生文集卷之六

古詩

北客置酒

奉使道中寄育王山長老常坦

送李屯田守桂陽二首

送吳仲度出守潭州

雜詠三首

即事三首

送鄭叔熊歸閩

寄二弟時往臨川

李氏沅江書堂

休假大佛寺

別謝師宰

解使事泊棠陰時三弟皆在京師三首

驛驕

寄朱氏妹

贈陳景初

贈張康

送程公闢守洪州

鳳凰山

夢中作

彭蠡

牛潛

東門

和王微之登高齋三首

北客置酒

紫衣探鼻竇空前巾講稻餘隨梁鱠引力取肉割啖客銀
盤壁孺孺寤魚鮮殷勤勸侑邀一飽卷牲俎館觴更傳山蔬
野果雜飴蜜籊脯豕腊加包煎酒糲史稍欲起小胡捩耳
爭留連為胡止飲且少安一杯相屬非偶然

奉使道中寄育王山長老常坦

道人少賈海上游海舶破散身沈浮抱金三滿篋人所寄吹
鼓偶得還中州羸身婦金不受報祗取斗酒相戲酬歡娛

慈母終一世脫棄妻子藏嚴幽蒼煙冢上池水漫白玉函
昔吹高秋夜燃栢子煮山藥憶此東望無時休塞垣春枯
積雪溜沙磔盛怒黃雲愁五更匹馬隨鷹起想見鄧郭花
今稠百年夸奪終一丘世上滿眼真悠上寄声万里心綢
繆莫道異趣無相來

送李屯田守桂陽二首

泊船香炉峯始與子相識寄書邗江上詒我峯下石緣以
湘水竹携持與南北永懷故人歡不願百金易竹枯掃樵
蘇石爛棄沙磔夷澗澗迢綠髮皆半白追思少時事俛仰
如一夕老矣無所為空知念疇昔常思一杯酒要子相解
釋出門事紛上歸卧意还欲聞當上湓水持詔守嶺阨一

為万里別執手先慘戚茲游信浩蕩山水多所得為我謝
香爐風塵每相憶

二

蒼黃離家問南北中略思歸上不得風濤何處不驚人雨
雪前村更欺客舊交旌旆此盤桓見我即今兒解鞍荒
山樂官歌舞拙提壺沽酒聊一歡行藏欲語眉不展互歎
別離心襍纒行年半百勞如此南畝催耕未宜晚

送吳仲度出守潭州

吳公治河南名出漢廷右高才有公孫相均千歲後平明
省門開更接堂上肘指撫談笑間靜若在林藪連牆畫山
水隱几詩千首浩然江湖思果得東南守傳鼓上清湘旌

旗蔽牛斗方今河南治復在荆人口自古楚有材郵祿多
美酒不知樽前客更得賈生否

雜詠三首

懷王自墮馬賈傅至死悲古人事一職豈敢苟然為哭死
非為生吾心良不欺滔上声利間絳灌亦何知

二

先生善鼓瑟齊國好吹竽操竽入齊人雅鄭亦復殊豈不
得祿賜歸卧自歛歎寥寥朱絲絃老矣誰與娛

三

商陽殺三人每輒不忍視亦云食君食報礼當如此波瀾
吹九州金石安得止永懷南山阿慷慨中夜起

即事三首

我起影亦起我留影遂巡我意不在影也長隨我身交游
義相好骨肉清相親如何有乖駁不得同苦辛

二

昏昏日日卧皎上中夜愁明月入枕席涼風動衾幃
相鳴悲上下無時休徒能感我耳爾安知秋

三

日月隨天旋疾進与天謀寒暑自有常不顧万物求蟬
敲朝夕蟪蛄疑春秋眇上古曆回環今幾周

送鄭叔熊歸闕

鄭子喜論兵魁然万人敵管持一尺筆跨馬河南北方今

邊利害口手熊毒書疑師穀城翁方略已自得天兵卷申
老壯士不肉食低徊向詩書文字銳鑄刻科名又齟齬棄
置非人力黃塵周蜀裝逆旅同偏仄秋風吹殘亦霰雪已
驚客浩歌隨東舫別我無慘惻聞生今好遊往七老妻息
南孩子所慕天命豈終塞

寄二弟時往臨川

蕭條冬風高吹我冠上霜我行歲已寒悲汝道路長持以
此一作大馬心千里不得將使汝身百負辛苦冒川梁青燈
照詩書仰屋涕洟行不有親戚思詎知遠遊傷

李氏沅江書堂

沅江水有梁鹽曾沅田樹桑可號耕君於其間恥射利獨

岸清泚留朱蕤詩書當前日開闔冠帶滿坐相逢迎勉求
高論出施設無以私智為公卿

休假大佛寺

罷憊得休假衣冠倦趨翔挾書聊自娛解帶寺東廊六龍
高徘徊光景在我裳冬屋稍暄暖病身更強梁送我有不
思捨我有不忘問誰可與言攜手此徜徉婉七舌所愛新
居乃鄰牆寄聲能來遊維用寫愁腸

別謝師宰

閭闔城西地如水鷄鳴黃塵波浪起窮年一馬望扶桑東
得省門身輒止簿書期會老紛七邂逅論心喜有君數日
未多還捨我相看愁思亂於雲

解使事泊棠陰時三弟皆在京師二目

始吾泊棠陰三子不在舟今當捨之去三子還遠遊茫然
千里水今見荻花洲俛仰換春冬紛上空百憂懷我山川
異往矣霞雪稠登高一涕泗寄此寒江流

二

泊船棠陰下灘水清且淺回首望孤城浮雲一何緬久留
非吾意欲去猶譴繆馳心故人側一望三四友蕭蕭東堂
竹異日留息偃無恩被南國疑此行當弱

驊騮

龍德不可係變化誰能謀一本無驊騮亦駿物卓犖地上
遊怒行追疾風忽上跨九州轍迹古所到山川略能周鴻

蒙無人粉流瀉遠天浮峻巖拔青冥仙聖所止留欲往輒
不能視龍乃知羞

寄朱氏妹

昔來高郵君我始得朱子從容談笑閒已足見奇偉行尋
城陰田坐釣渠下泣歸來同食眠左右皆圖史入視爾諸
幼歡言亦多社當時獨張倩遠在廬山趾沈君未言名
已習吾耳安知十來年乖隔非願始相逢輒念遠悲叱多
於喜今茲豈人力所念皆聚此諸甥昔未有滿眼秀而美
低回吾親側亦足慰勞止嗟予迫時息一傳日十里爾舟
亦已戒五兩翩然起蕭蕭東南縣望爾何時已空知夢為
魚逆上西安水

贈陳君景初

吾嘗竒華佗腸胃真割剖神膏既傳之頃刻活殘朽昔聞
今則信絕伎世掌有堂上穎川士察脉極淵致珍凡起病
瘡贈虫隨泄嘔寧足四五年下針使之走一言儻不合万
金莫可誘又復能賦詩往來吹瓊玖卷紙誇速成語怪若
神授名声動京洛蹤跡晦養莠相逢但長嘯遇飲輒掩口
獨醒竟何如無乃寡信偶顧非避世翁疑是壁中叟安得
斯人術付之經國手

贈張康

昔在歷陽時得子初江津手中紫團參一飲寬吾親捨舟
城南居杖履日相因百口代起伏呻呼恬比鄰叩門或夜

半發費藥物珍欲報恨不得腸胃盤車輪今逢又坎珂令
子馳風塵顛倒車馬間起先冰雪晨嗟我十五年得祿尚
辭貧所讀漫累車豈能蘇一人無求愧子義有施慙子仁
逝將收桑榆邀子寂寞濱

送程公闕守洪州

畫船插幟搖秋光鳴鏡傳鼓水洋洋豫章太守吳郡即行
指斗牛先過鄉上人出郭航酒棗魚鼈膾炙稻梁爰頭
肥大菱腰長醕醑喧呼坐滿牀怪君三年滯瞿塘又驅傳
馬登太行纓毛脫盡歸大梁翻然出走天南疆九江左接
貢與章揚瀾吹漂浩無旁老蛟戲水風助狂盤渦忽折千

丈強君聞此語悲慨懷迎吏乃前持一觴鄱州歷選多雋
良鎮撫時有諸侯王拂天高閣朱鳥翔西山蟠繞鱗鬣蒼
下視城塹真金湯雄樓傑屋鬱相望神尚有千金藏漂田
種杭出穰上沉檀珠犀雜方商大舟如山起牙檣一本無此一句
輸瀉交廣流荆揚輕裙利屣列名倡春風蹋謠能斷腸平
湖灣塢煙渺茫樹石珍怪花草香幽處往上聞笙簧地靈
人秀古所藏勝兵可使酒可嘗十州將吏隨低昂談笑指
麾回兩暘非君才高方方剛豈得跨有此一方無為聽客
欲雲霓使君謝吏趣治裝我行樂矣未渠央

鳳凰山

驅馬信所適落日望九州青山滿天地何往為吾立貧賤

身祇辱富貴道足羞涉世諒如此惜哉去無由

夢中作

青門道北雲為屋大壚貯酒千萬斛獨龍注雨如車軸不
畏不售畏不續

彭蠡

茫上彭蠡春無地白浪春風濕天際東西挾拖万舟回千
歲老蛟時出戲少年輕事鎮南來水怒如山帆正開中流
蜿蜒見脊尾觀者膽墮予方吟衣冠今日龍山路廟下沽
酒山前住老矣安能孛飲飛買田欲棄江湖去

牛渚

歷陽之南有牛渚一風微吹万舟阻華戎蠻蜀支百川合

為大江神所躡山盤水怒不得泄到此乃有無窮淵朱衣
乘車作官府操制生殺非無權陰靈祕怪不欲露激辱得
禍豈偶然

東門

東門白下亭摧壁曼寒能淺沙杙素舸一水宛秋蛇漁商
穀十室門巷隱桑麻翰林謫仙人往歲酒姥家調笑此水
上能歌揚白花楊花飛白雪枝覆綠煙斜舞袖卷煙雪綺
裘明紫霞風流匡達穎故地使人嗟迢上陌頭青空復可
藏鴉

和王微之登高齋三首

寒雲沈沈白日埋河漢蕩圻天如徙衡門兼句限泥潦

聽窾不鳴相於蕭辰忽掃纖翳盡北嶺初出青嵬微之
新詩動我目燃若火齊金盤堆想携諸彥眺平野高論靡
詆秦以來觥觥淋浪始快意忽憶歸雲胡為哉念君少壯
輟游衍發揮春秋名玉杯書成不得斷因論但此空語傳
八垓登臨與微之因感觸更欲遠引追宗雷君知富貴亦何
有諛譽未足償微之排風豪雨橫費調燮坐使髮背為黃台
留賓往微之夜參半雖有鑄須無由開江南佳麗非一日况
乃故園各池臺能招過客飲文字山水又足供歡哈刺留
官壘貯酒毋取醉不竭當如淮

二

六朝人物隨煙埃金魚玉几安在哉鍾山石城已寂寞

見江水雲端來百年故老存存尚憶世宗初伐淮魏主
兵馬接踵出旗纛千里相擁揆當時謀臣非不衆上國後
取多陪臺龍膝九天跨四海欲阻一水為可哈降正北歸
樓殿圻棄屋尚鎖殘金堆神靈變化自真主將帥何力求
公台山川清明草木靜天地不復屯雲雷使君登高訪古
昔傷此陳迹聊持杯因留嘉客坐披寫鄙深笑語傾如篋
酒酣重惜功業晚老矣万卷徒兼該攢筆列壑動歸興憂
端落筆何崔嵬餘年無歡易感激亦愧莊叟能安排青燈
明滅照不寐但把君詩闔且開

三

干戈六代戰血埋双關尚指山崔嵬當時君臣但兒戲把

酒空勸長星杯臨春美女閉黃壤玉枝自白一作榮繁如堆
後庭新聲散樵牧吳發倏忽何其哀咸陽龍移九州圻遺
種變化呼風雷蕭條中原曷無水岷強又此憑江淮廣陵
衣冠掃地去穿萊隴畝為池臺吳僕傾家助經始天土不
借秦人徒珠犀磊落万艘入金壁照耀千門開建隆天飛
跨兩海南發交廣東温台中間業上地無幾欲久割據誠
難哉靈旗指麾盡貌虎談笑力可南山排樓船蔽川莫敢
動扶伏但有謀臣未百年滄洲自潮汐事往不與波爭迴
黃雲荒城失苑路白草廢時空壇垓使君新篇韻險絕登
眺感悼隨嘲吟嗟予愁憊氣已竭對壘每欲相刺揆揮毫
更想能一戰數窘乃見詩人才

臨川先生文集卷之六

六十一

臨川先生文集卷之六終

